



საქართველოს გაერთიანებული სახელმწიფოს და სოფლის მეურნეობის მინისტრი

ბრძანება N 2-268

22/03/2020

ქ. თბილისი

მცხეთის მუნიციპალიტეტში, სოფ. ქსოვრისის მიმდებარე ტერიტორიაზე მიწისქვეშა მტკნარი წყლის (სამეწარმეო მიზნით) მოპოვებაზე სკრინინგის გადაწყვეტილების შესახებ

სსიპ წიაღის ეროვნული სააგენტოს მიერ გზშ-ის ჩატარების საჭიროების დადგენის მიზნით საქართველოს გარემოს დაცვისა და სოფლის მეურნეობის სამინისტროში წარმოდგენილია მცხეთის მუნიციპალიტეტში მიწისქვეშა მტკნარი წყლის (სამეწარმეო მიზნით) მოპოვების სკრინინგის განცხადება.

სალიცენზიო ობიექტი მდებარეობს მცხეთის მუნიციპალიტეტში, სოფ. ქსოვრისის მიმდებარე ტერიტორიაზე, შპს „ჯორჯიან ბილდინგ გროუფის“ საკუთრებაში არსებულ მიწის ნაკვეთზე. GPS კოორდინატები: X-461176.056 Y-4646020.328. აღნიშნული ტერიტორია წარმოდგენილია ვაკე რელიეფით და მდებარეობს მდ. ქსნის მარცხენა ჭალისზედა I ტერასაზე, ზღვის დონიდან 600-605 მეტრზე.

ჰიდროლოგიური მონაცემებით სალიცენზიო ობიექტის ტერიტორია მიეკუთვნება ფოროვანი, ნაპრაღური და ნაპრაღურ-კარსტული წყლების ქართლის არტეზიულ აუზს. ჭაბურღილის საექსპლუატაციო მარაგი დამტკიცებული არ არის და წარმოდგენილია P (პროგნოზული) კატეგორიით. წყალაღების ჰორიზონტის ზუსტი დებიტი უცნობია, მაგრამ წყალშემცველობის ხარისხის გათვალისწინებით, შესაძლებელია წელიწადში 216 000 მ³ რაოდენობის წყლის მოპოვება. ჭაბურღილის სავარაუდო სიღრმეა 150 მ. მოპოვებული წყლის გამოყენება მოხდება სამეწარმეო დანიშნულებით. ჭაბურღილი საჭიროებს მიმდებარე ტერიტორიის დასუფთავებას და შემოღობვას.

წყალშემცველი ჰორიზონტი გეოლოგიურად აგებულია დაუნაწილებელი მეოთხეული ალუვიური ნალექების კომპლექსით, სადაც დამახასიათებელია ძირითადად ჰიდროკარბონატული, ჰიდროკარბონატულ-სულფატური, კალციუმიან-ნატრიუმიანი და იშვიათად კალციუმიან-მაგნიუმიანი მტკნარი წყლები. მოსაპოვებელი წყლის საერთო მინერალიზაცია მერყეობს 0,2-დან 0,5 გ/ლ-მდე, ხოლო ტემპერატურა 9-დან - 15 °C -მდე.

საინჟინრო-გეოლოგიური პირობების სირთულის მიხედვით ჭაბურღილის ტერიტორია მიეკუთვნება I (მარტივ) კატეგორიას. სალიცენზიო ობიექტისა და მიმდებარე ტერიტორიის გეოდინამიკური პირობები სტაბილურია.

საპროექტო ტერიტორია არ მდებარეობს დაცული ტერიტორიების, კულტურული მემკვიდრეობის ძეგლების და ტყით მჭიდროდ დაფარული ტერიტორიების სიახლოვეს, სადაც წარმოდგენილია საქართველოს „წითელი ნუსხით“ დაცული ხე-მცენარეები.

საქმიანობის სპეციფიკის გათვალისწინებით ატმოსფერულ ჰაერზე ზემოქმედებას ადგილი არ ექნება. ჰაბურდლის ექსპლუატაციისას ხმაურით გამოწვეული ზემოქმედება იქნება მინიმალური, ხოლო ატმოსფერულ ჰაერზე ზემოქმედებას ადგილი არ ექნება. დაგეგმილი საქმიანობა არ უკავშირდება ნარჩენების წარმოქმნას და გარემოს დაბინძურებას.

„გარემოსდაცვითი შეფასების კოდექსის“ მე-7 მუხლის მე-5 ნაწილის შესაბამისად, სკრინინგის განცხადება განთავსდა სამინისტროს ოფიციალურ ვებგვერდზე და მცხეთის მუნიციპალიტეტის მერიის საინფორმაციო დაფაზე. საზოგადოების მხრიდან აღნიშნულ საქმიანობასთან დაკავშირებით წერილობითი შენიშვნები და მოსაზრებები არ ყოფილა წარმოდგენილი.

სკრინინგის განცხადების მიხედვით დგინდება, რომ მცხეთის მუნიციპალიტეტში, სოფ. ქსოვრისის მიმდებარე ტერიტორიაზე მიწისქვეშა მტკნარი წყლის მოპოვებას გარემოზე მნიშვნელოვანი ზემოქმედება არ ექნება.

ზემოაღნიშნული კრიტერიუმების გათვალისწინებით, „გარემოსდაცვითი შეფასების კოდექსის“ მე-7 მუხლის მე-3 და მე-6 ნაწილების საფუძველზე,

ვ ბ რ ძ ა ნ ე ბ:

1. მიღებულ იქნეს სკრინინგის გადაწყვეტილება, რომ მცხეთის მუნიციპალიტეტის სოფ. ქსოვრისის მიმდებარე ტერიტორიაზე მიწისქვეშა მტკნარი წყლის (სამეწარმეო მიზნით) მოპოვება არ დაექვემდებაროს გარემოზე ზემოქმედების შეფასებას;
2. ლიცენზიის მფლობელი ვალდებულია საქართველოს კანონის „გარემოსდაცვითი შეფასების კოდექსის“ მე-7 მუხლის მე-8 ნაწილის შესაბამისად უზრუნველყოს გარემოსდაცვითი ტექნიკური რეგლამენტებით დადგენილი მოთხოვნებისა და გარემოსდაცვითი ნორმების დაცვა;
3. ბრძანება დაუყოვნებლივ გაეგზავნოს სსიპ „წიაღის ეროვნულ სააგენტოს“;
4. ბრძანება ძალაში შევიდეს სსიპ „წიაღის ეროვნულ სააგენტოს“ მიერ ამ ბრძანების გაცნობისთანავე;
5. სკრინინგის გადაწყვეტილების გაცემიდან 5 დღის ვადაში აღნიშნული გადაწყვეტილება განთავსდეს სამინისტროს ოფიციალურ ვებგვერდზე და მცხეთის მუნიციპალიტეტის აღმასრულებელი ან/და წარმომადგენლობითი ორგანოს საინფორმაციო დაფაზე;
6. ბრძანება შეიძლება გასაჩივრდეს თბილისის საქალაქო სასამართლოს ადმინისტრაციულ საქმეთა კოლეგიაში (თბილისი, დ. აღმაშენებლის ხეივანი, მე-

12 კმ. N6) მხარის მიერ მისი ოფიციალური წესით გაცნობის დღიდან ერთი თვის ვადაში.

ლევან დავითაშვილი



მინისტრი